



Na osnovu člana 6. a u vezi s čl. 64., 65. i 70. Zakona o javnim nabavkama BiH („Službeni glasnik BiH“ broj 39/14 i 59/22), člana 48. Pravilnika o javnim nabavkama „Elektroprenos – Elektroprijenos BiH“ a.d. Banja Luka, člana 67. Statuta „Elektroprenos – Elektroprijenos BiH“ a.d. Banja Luka, Zapisnika o pregledu i ocjeni ponuda za JN, broj JN-OP-1338-19/2022 od 28.12.2022. godine, Dopune zapisnika o pregledu i ocjeni ponuda nakon e-aukcije, broj 1338-21/2022 od 23.01.2023. godine i preporuke Komisije date u Dopuni zapisnika, u postupku javne nabavke, broj JN-OP-1338/2022 – „Pregled i ispitivanje PPZ opreme“, Generalni direktor „Elektroprenos – Elektroprijenos BiH“ a.d. Banja Luka donosi

ODLUKU o izboru najpovoljnijeg ponuđača

I

Za najpovoljnijeg ponuđača u postupku javne nabavke JN-OP-1338/2022 – „Pregled i ispitivanje PPZ opreme“, a na osnovu Zapisnika o pregledu i ocjeni ponuda broj: JN-OP-1338-18/2022 od 28.12.2022. godine i Dopune Zapisnika o pregledu i ocjeni ponuda nakon e-aukcije broj 1338-21/2022 od 23.01.2023. godine i preporuke Komisije za javnu nabavku date u Dopuni zapisnika izabran je ponuđač „**Vatroteh inženjering“ d.o.o. Sarajevo** sa ponudom broj 300/22 (koja je kod Ugovornog organa zaprimljena pod brojem: JN-OP-1338-11/2022 dana 28.11.2022. godine), sa ukupno ponuđenom cijenom od **19.949,00 KM bez PDV-a** (23.340,33 KM sa PDV-om).

II

Prijedlog ugovora o nabavci dostaviće se na potpis izabranom ponuđaču po isteku roka od 10 dana, računajući od dana kada su svi ponuđači obaviješteni o izboru najpovoljnije ponude.

III

Ova odluka objaviće se na web stranici www.elprenos.ba istovremeno sa upućivanjem ponuđačima koji su učestvovali u postupku javne nabavke.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

O B R A Z L O Ž E N J E

Postupak javne nabavke pokrenut je Odlukom, broj: JN-OP-1338-02/2022 od 16.09.2022. godine, o pokretanju postupka javne nabavke usluga, Pregled i ispitivanje PPZ opreme u Elektroprenos-Elektroprijenos BiH" a.d. Banja Luka.

Procijenjena vrijednost nabavke iznosi: 49.000,00 KM (bez PDV-a).

Generalni direktor, "Elektroprenosa-Elektroprijenosa BiH" a.d. Banja Luka, je Rješenjem o imenovanju Komisije za javnu nabavku robe, broj: JN-OP-1338-03/2022 od 16.09.2022. godine, u postupku javne nabavke broj: JN-OP-1338/2022 imenovao Komisiju.

U informacionom sistemu "E-nabavke" (Portal javnih nabavki), dana 01.11.2022 godine, istovremeno su objavljeni obavještenje o nabavci 1280-1-1-157-3-244/22 i tenderska dokumentacija, JN-OP-1338-6/2022, za nabavku usluge Pregled i ispitivanje PPZ opreme.

Dana 29.11.2022. godine u 12:00 sati, u sjedištu ugovornog organa, Marije Bursać 7a, 78000 Banja Luka, izvršeno je javno otvaranje ponuda, o čemu je sačinjen Zapisnik o otvaranju ponuda, broj: JN-OP-1338-15/2022 u kojem je konstatovano da su ukupno pristigle 3 (tri) ponude i to:

1. „Vatroteh inženjering“ d.o.o. Sarajevo,
2. Grupa ponuđača: „Vatrosistemi“ d.o.o. Sarajevo i „Energo sistem“ d.o.o. Brčko i
3. „Tehnička zaštita“ d.o.o. Doboj.

Istog dana kopija Zapisnika o otvaranju ponuda dostavljena je svim učesnicima u postupku javne nabavke.

Komisija za javnu nabavku je izvršila pregled i ocjenu ponuda, o čemu je sačinila Zapisnik o pregledu i ocjeni ponuda broj JN-OP-1338-19/2022 od 28.12.2022. godine, u kojem je utvrđeno sljedeće:

- da su sve pristigle ponude blagovremene,
- da su ponude svih ponuđača prihvatljive.

Za ovaj postupak javne nabavke bilo je predviđeno provođenje E-aukcije. Dana 30.12.2022. u periodu od 10:15:00 do 14:21:00 sati održana je E-aukcija na osnovu koje je Komisija izvršila konačnu ocjenu prihvatljivih ponuda.

Komisija je u skladu sa kriterijumom za dodjelu ugovora - najniža cijena izvršila ocjenu prihvatljivih ponuda kao što slijedi:

Red. Br.	Ponuđač	Početna cijena ponude (KM bez PDV-a)	Konačna cijena ponude nakon e-aukcije (KM bez PDV)	Rang
1.	„Vatroteh inženjering“ d.o.o. Sarajevo	50.859,00	19.949,00	I
2.	Grupa ponuđača: „Vatrosistemi“ d.o.o. Sarajevo i „Energo sistem“ d.o.o. Brčko	51.879,62	20.000,00	II
3.	„Tehnička zaštita“ d.o.o. Doboj	176.526,00	176.526,00	III

Iz navedenih razloga, primjenom člana 64. stav 1. tačka b) Zakona o javnim nabavkama, odlučeno je kao u članu I ove odluke.

POUKA O PRAVNOM LIJEKU:

Protiv ove Odluke može se izjaviti žalba u skladu s članom 101. stav (5) Zakona o javnim nabavkama, najkasnije u roku od deset (10) dana od prijema ove Odluke. Žalba se izjavljuje u pisanoj formi, u tri (3) primjerka, ugovornom organu, "Elektroprenos-Elektroprijenos BiH" a.d. Banja Luka, Marije Bursać 7a, 78000 Banja Luka, direktno ili preporučenom poštanskom pošiljkom.



Generalni direktor


Mato Žarić, dipl. ing. el.

Dostaviti:

- Ponuđačima
- Komisiji za JN
- A/a.